



- SENAT -

Broj: 01-11-1/23

Sarajevo, 08. 06. 2023. godine

**Z A P I S N I K**  
**SA 18. TEMATSKE SJEDNICE SENATA**  
**UNIVERZITETA U SARAJEVU ODRŽANE 08. 06. 2023. GODINE**

**Prisutn/e članovi/ice Senata:** Prof. dr. Rifat Škrijelj, rektor, prof. dr. Tarik Zaimović, prof. dr. Dženana Husremović, prof. dr. Mirza Dautbašić, prorektori/ca, te Edin Maslo, student-prorektor, prof. dr. Erdin Salihović, prof. dr. Senad Huseinbegović (po ovlaštenju), prof. dr. Mustafa Hasani, prof. dr. Jasmin Ahić, prof. dr. Elvis Fejzić (po ovlaštenju), prof. dr. Ifet Mahmutović, prof. dr. Amel Kosovac, prof. dr. Arzija Pašalić, prof. dr. Tamer Bego (po ovlaštenju), prof. dr. Adnan Busuladžić (po ovlaštenju), prof. dr. Mirza Pozder (po ovlaštenju), prof. dr. Darko Tomašević, prof. dr. Haris Lulić, prof. dr. Nermina Babić (po ovlaštenju), prof. mr. Ališer Sijarić, prof. dr. Mirela Omerović (po ovlaštenju), prof. dr. Vedad Falan (po ovlaštenju), prof. dr. Amila Ždralović (po ovlaštenju), prof. dr. Nusret Drešković, prof. dr. Muhamed Bajrić (po ovlaštenju), prof. dr. Naris Pojskić, prof. dr. Rasim Muratović, dr. sc. Aladin Husić, dr. sc. Sedad Bešlija, dr. sc. Jasmin Hodžić prof. dr. Enra Mehmedika-Suljić (po ovlaštenju), mr. sc. Biljana Zarić (po ovlaštenju), prof. dr. Emir Tahirović, te predstavnici/e Udruženja Studentski parlament Univerziteta u Sarajevu: Faruk Dević, predsjednik, Inela Subašić, Emin Zaimović, Jasmin Fazlić, Mumin Velić (po ovlaštenju) i Imran Pašalić (po ovlaštenju) i Ismet Pidra (po ovlaštenju), predstavnici studenata/ica.

**Odsutni/e članovi/ice Senata:** prof. dr. Enita Nakaš, prof. dr. Tamara Karča Beljak, prof. dr. Dušanka Bošković, prof. dr. Dubravka Pozderac-Lejlić, prof. mr. Faruk Lončarević, prof. dr. Jasmina Selimović, prof. dr. Muhamed Ajanović, prof. dr. Muhamed Smajlović, Inela Subašić, Jasmin Fazlić i predstavnik/ica studenata/ica ispred Vijeća Grupacije umjetnosti.

**Ostali/e prisutni/e:** Kenan Filipović, generalni sekretar i Berina Smajlović Doljančić, rukovoditeljica Službe za pravne poslove.

Sjednica je počela u 11:00 sati.

Sjednicom je predsjedavao prof. dr. Rifat Škrijelj, rektor Univerziteta u Sarajevu.

Utvrđeno je da sjednici prisustvuje 37 članova/ica Senata sa pravom glasa, od toga 15 članova/ica sa ovlaštenjem koje se nalazi u dokumentaciji Senata.

Na prijedlog prof. dr. Rifata Škrijelja jednoglasno je usvojen slijedeći

## **DNEVNI RED:**

### **1. Utvrđivanje Prijedloga Statuta Univerziteta u Sarajevu**

## **TOK SJEDNICE:**

### **Ad-1.**

Prof. dr. Rifat Škrijelj izrazio je zahvalnost predsjedniku i članovima i članicama Komisije za usklađivanje Statuta Univerziteta u Sarajevu sa Zakonom o visokom obrazovanju na predanom radu. Također je istakao da je Upravni odbor Univerziteta u Sarajevu na sjednici održanoj 06. 06. 2023. godine dao pozitivno mišljenje na Statut Univerziteta u Sarajevu, uz napomene i preporuke koje su date s ciljem postizanja pozitivne ocjene usaglašenosti istog sa Zakonom o visokom obrazovanju („Službene novine Kantona Sarajevo“, broj: 36/22). Navedeno Mišljenje je dostavljeno i članovima i članicama Senata u sklopu materijala za sjednicu.

Prof. dr. Tarik Zaimović, predsjednik Komisije informisao je članove i članice Senata da je Komisija kroz sastanke po radnim grupama i plenarne sastanka, radila na izradi teksta Statuta. Nakon održane javne rasprave pregledano je oko 130 amandmana. Primjedbe i prijedlozi koji su se odnosili na određene radnje koje izlaze izvan okvira Zakona o visokom obrazovanju, Komisija nije prihvatila, odnosno za određene prijedloge dala je preporuke da se implementiraju kroz druge opće akte Univerziteta u Sarajevu (Pravilnik o radu, Pravilnik o plaćama i naknadama i sl.).

Prof. Zaimović je također istakao da nakon što se utvrdi Prijedlog Statuta Univerziteta u Sarajevu isti će biti dostavljen Ministarstvu za nauku, visoko obrazovanje i mlade Kantona Sarajevo na davanje saglasnosti o usklađenosti Prijedloga Statuta Univerziteta u Sarajevu sa Zakonom o visokom obrazovanju („Službene novine Kantona Sarajevo“, broj 36/22).

U diskusiji koja je uslijedila učešće su uzeli: gđa Biljana Zarić, prof. dr. Adnan Busuladžić, prof. dr. Rifat Škrijelj, gosp. Kenan Filipović, prof. dr. Enra Mehmedika-Suljić, prof. dr. Nermina Babić, gđa. Berina Smajlović Doljančić, prof. dr. Nusret Drešković.

Po okončanju diskusije sa 35 glasova „Za“ i 2 (dva) „Suzdržana“ glasa donesena je slijedeća

## **ODLUKA**

### **I**

Utvrđuje se Prijedlog Statuta Univerziteta u Sarajevu, koji čini sastavni dio ove odluke.

### **II**

Prijedlog Statuta Univerziteta u Sarajevu dostavlja se Ministarstvu za nauku, visoko obrazovanje i mlade Kantona Sarajevo na davanje saglasnosti o usklađenosti Prijedloga Statuta Univerziteta u Sarajevu sa Zakonom o visokom obrazovanju („Službene novine Kantona Sarajevo“, broj 36/22).

### **III**

Ova odluka stupa na snagu danom donošenja.

### ***Obrazloženje***

Pravni osnov za donošenje, odnosno usklađivanje Statuta Univerziteta u Sarajevu za Zakonom o visokom obrazovanju („Službene novine Kantona Sarajevo“, broj 36/22) – (u daljem tekstu: Zakon) sadržan je u odredbi člana 55., člana 56. i člana 173. Zakona, a u vezi je sa odredbom člana 12. i člana 16. Okvirnog zakona o visokom obrazovanju u Bosni i Hercegovini („Službeni glasnik BiH“, broj 59/07 i 57/09).

Konkretnije članom 55. Zakon utvrđuje se da je statut osnovni akt visokoškolske ustanove kojim se uređuju organizacija, način rada, upravljanje, rukovođenje i druga pitanja od značaja za obavljanje djelatnosti visokoškolske ustanove i istom odredbom se utvrđuje obavezni sadržaj statuta visokoškolske ustanove.

Nadalje, članom 56. Zakona propisan je postupak donošenja statuta visokoškolske ustanove, na način da Prijedlog statuta utvrđuje Senat uz prethodno pozitivno mišljenje Upravnog odbora. Nakon pribavljanja saglasnosti Ministarstva za nauku visoko obrazovanje i mlade Kantona Sarajevo, Senat donosi statut. Naime, Ministarstvo razmatra i ocjenjuje usklađenost statuta sa zakonom, te je obavezno u roku od 90 dana od prijema prijedloga statuta obavijestiti Univerzitet o davanju ili odbijanju saglasnosti uz obrazloženje.

U odnosu na prethodno navedene norme, članom 173. Zakona utvrđena je obaveza Univerziteta da svoju organizaciju, statut i opće akte uskladi sa Zakonom u roku od šest mjeseci od dana stupanja na snagu istog. S tim u vezi, navodi se da je Zakon stupio na snagu 16. 09. 2022. godine.

Također, vezujući se za naprijed navedeni Okvirni zakon o visokom obrazovanju u Bosni i Hercegovini, kojim se utvrđuje organizacija visokog obrazovanja u Bosni i Hercegovini, odgovornost nadležnih vlasti u ovoj oblasti, ustanovljavaju tijela za provođenje zakona i međunarodnih obaveza Bosne i Hercegovine, te način osiguravanja kvaliteta u oblasti visokog obrazovanja, pravni osnov za donošenje Statuta Univerziteta u Sarajevu sadržan je i u odredbi člana 12. ovog Zakona. Navedenom odredbom utvrđuje se da je statut osnovni akt visokoškolske ustanove kojim se uređuju pitanja značajna za obavljanje djelatnosti ustanove.

Također, odredbom stava (2) ovog člana, a u vezi sa članom 16. ovog Zakona, utvrđuje se nadležnost tijela visokoškolske ustanove koja sudjeluju u donošenju ovog akta, na način da statut donosi senat uz prethodno pribavljeno mišljenje upravnog odbora visokoškolske ustanove. Pored navedenog, ovom odredbom je propisana i obaveza da statut svake visokoškolske ustanove mora biti usaglašen s ovim Zakonom.

Uvažavajući sve naprijed navedeno, Senat Univerziteta u Sarajevu je na održanoj sjednici donio Odluku kao u dispozitivu.

U skladu sa navedenim, donesen je i

## **Z A K L J U Č A K**

1. Senat Univerziteta u Sarajevu prihvata Mišljenje Upravnog odbora Univerziteta u Sarajevu na Statut Univerziteta u Sarajevu, broj: 02-20-2/23 od 06. 06. 2023. godine.
2. Zadužuju se stručne službe Univerziteta u Sarajevu da preporuke date u Mišljenju iz tačke 1. ovog zaključka ugrade u Statut Univerziteta u Sarajevu.

Sjednica je završena u 11:55 sati.

### **R E K T O R**

***Prof. dr. Rifat Škrijelj, s.r.***

*Zapisničarka:*

*Alma Voloder-Madacki, dipl.iur. s. r.*